

主編 羅家倫
編 中華民國史料叢編

黃帝魂

黃帝紀元四千六百十四年十一月一日印刷
年十二月六日出版

定價壹圓

實式
憑之

撰述者 黃帝子孫之多數人

編輯者 黃帝子孫之一個人

發行者 黃帝子孫之爲發行者

印刷者 黃帝子孫之爲印刷者

世界第一之民族主義大偉人黃帝

肖像



中國民族開國之始祖

黃帝者、少典之子、姓公孫、名曰軒轅、生而神靈、弱而能言、幼而狗齊、長而敦敏、成而聰明、軒轅之時、神農氏世衰、諸侯相侵伐、暴虐百姓、而神農氏弗能征、於是軒轅乃習用干戈、目片征不享、誅蚩尤戰於涿鹿之野、諸侯咸爲軒轅爲天子、代神農氏、是爲黃帝、以雲名官、置左右太監、監於萬國、萬國和而鬼神山川封禪輿爲多焉、獲寶鼎、迎日推策、舉風后力牧常先大鴻以治民、順天地之紀、幽明之占、死生之說、存之亡之、難、時播百穀、草木溥化、鳥獸蟲蛾、旁羅日月星辰、水波土石金玉、勞動心力、耳目節用水火材物、有土德之瑞、故號黃帝、

黃帝魂叙

今人疇不曰黃帝子孫哉。雖然。五帝之事。若茫若昧。文不雅馴。薦紳難言。若驟詰以何以爲黃帝子孫之故。蓋鮮有不瞠目結舌者矣。母亦名祖禮官。法祖理官。吾種之所由昌。姑溯其派始於軒轅乎。然何不曰亞當而曰黃帝也。噫。吾知之矣。夫天者人之始也。父母者人之本也。人窮則反本。故勞苦倦極。未嘗不呼天也。疾病慘怛。未嘗不呼父母也。乃者胡氛瀰漫。中原陸沈。寶身鬻祖。相處百年。鞭策之毒。屠創之慘。盜入主室。橫施無忌。嗚呼。復仇之訓。勤夷之祖。亦既照人耳目。吾雖不欲祝吾黃帝。誦吾黃帝功德。以稍紓其痛苦。又烏可得。今「黃帝魂」一書之所以集。正窮迫無聊。欲吾兄弟共誦功德。以紓其痛苦者也。然而謀痛苦之所以紓。而不謀痛苦之所以去。非計也。書中宏議具在。方法井然。舉而行之。惟吾同胞。黃帝子孫之嫡派。黃中黃。謹識。

黃 帝 魂

黃帝魂例言

黃帝曰：『日中必彗，操刀必割。』自逆胡猖獗，盜主中原，吾黃帝子孫，暴骨於烈日之中，待命於刀俎之下者，二百六十年。顧皆顛連困苦，相顧莫敢發聲，推原其故，則以覺羅玄暉（卽康熙）覺羅弘曆（卽乾隆）兩代，誅求文字，大獄繁興，積威虐之勢然也。是編所取，皆吾黃帝子孫痛極思呻之言，哀絃激楚，絕無忌避，而又言之井然，讀之可泣可歌，可興可發，意者黃帝在天之靈，實式憑之，故以黃帝魂名篇，亦日本入所謂大和魂之義也。

是編乃收攝近十年來新聞雜誌及各種新撰述之精魂。前代如黃梨洲王船山戴南山輩，雖思深痛遠，議論精闕，因其各有專集，故未採入。天皇洪氏起於匹夫，思以熱血蕩洗祖國，用心苦已，而一代事實，既顛倒紊亂於逆子賊孫之手（洪氏事實，今東籍中尙有能存其真相者），文章亦消滅無傳。不過石達開「忍令上國衣冠淪於夷狄，相率中原豪傑，還我河山」及「我志未酬人亦苦，東南到處有啼痕」等句，尙傳誦人口，然已破碎不完（石詩計七律四章，東籍尙有完全者，檄則止此

數語而已。惟陳玉成等一檄尙存。然文彩不佳。其言亦多近君主制度。編者有遺憾焉。

是編凡八閱月。始搜輯成書。撰者既出多數。文體自殊。意見亦不無稍異。編者時有增刪。或於篇末以己意發明之。至其宏綱鉅領。則始終一律。

近人有撮其舊著若干首。自爲一書。名曰中國魂者。其實腐敗駁雜。雖爲之上窮碧落下極黃泉。亦不知彼之所謂國魂安在也。且其書中多主張立憲。欲維持現時之清政府。則直謂之曰滿洲魂可矣。於吾中國何有。況欲以一人而代表全國。其誣枉吾國人也。亦已過甚。以此例彼。不知讀者以爲何如。

近日吾國辭界。頗爲發達。能一掃從來孝子忠臣之習慣而空之。閎著傑作。美不勝收。以友人黃中奮編有專集。故是編不具。

黃帝紀元四千六百十四年冬十二月編者校竟附識

黃 帝 魂

黃帝魂目次

黃帝紀年說

亡國二百四十年紀念會叙

君禍 (節仁學)

客帝

論髮辮原由

正仇滿論

釋仇滿

說漢種

漢奸辨

王船山史說申義

亡國篇

中國滅亡論

目次

目次

義和團與中國之關係

代滿政府籌禦漢人之策

俄據滿洲後之漢人

滿學生與漢學生

孫逸仙與白浪菴滔天之革命談

革命之原因

革命必剖清人種

駁革命駁議

論復仇主義

黃河

揚子江

舊浙江

新湖南

黃 帝 魂

福建之現勢

過金陵

燕京遊記

駁康有爲書

覆張之洞書

獄中答新聞報

閱湖南官報

蘇報案

鄭成功

追論張汝祥

畢永年

林錫珪

書周雲祥事

目次

目次

記仇滿生

祭沈蓋文

叙庚子銷夏記

觀戲記

少年登場(北曲一套)

歎老(南北曲一套)

黃帝魂

黃帝子孫之多數人撰述

黃帝子孫之一個人編輯

黃帝紀年說 (附大事表)

民族者國民特立之性質也。凡一民族不得不溯其起原。爲吾四百兆漢種之鼻祖者。誰乎。是爲黃帝。軒轅氏是則黃帝者。乃製造文明之第一人。而開四千年之化者也。故欲繼黃帝之業。當自用黃帝降生爲紀年。始吾觀泰西各國。莫不用耶穌降世紀年。回教各國。亦以摩哈麥特紀年。而吾中國之紀年。則全用君主之年號。近世以降。若康梁輩。漸知中國紀年之非。思以孔子紀年代之。吾謂不然。蓋彼等借保教爲口實。故用孔子降生爲紀年。吾輩以保種爲宗旨。故用黃帝降生爲紀年。夫用黃帝紀年。其善有三。黃帝以前。歷史之事實少。孔子以前。歷史之事實多。故以黃帝紀年。則紀事一歸於簡便。而無由後溯前之難。其善一。日本立國。以神武天皇紀年。所以溯立國之始也。中國帝王雖屢易姓。與日本萬世不易之君統不同。然中古迄今。凡

漢族之主。中國者孰非黃帝之苗裔乎。故中國之有黃帝。猶日本之有神武天皇也。取法日本。擇善而從。其善二。中國政體。達於專制極點。皆由於天下為君主私有也。今紀年用黃帝。則君主年號。徒屬空文。當王者貴之說。將不擊而自破矣。其善三。嗚呼。北敵蹈隙入主中華。謂非古今來一大變遷耶。故當漢敵不絕如線之秋。欲保漢族之生存。必以尊黃帝為急。黃帝者漢族之黃帝也。以之紀年。可以發漢族民族之感。覺偉哉。黃帝之功。美哉。漢族之民。黃帝降生四千六百二十四年閏五月十七日書。

黃帝降生後大事畧表

中國紀年無劃一之法。自竹書紀年以降。編年之史。無一不複雜者。今用黃帝降生為紀年。將黃帝降生後之大事列表如左。

降生後年代

中國大事紀

十一年

黃帝即位

三百五十年

唐堯即位

黃

帝

魏

四百九十八年

九百四十年

一千五百八十六年

一千八百六十年

一千九百三十一年

二千二百四十年

二千四百八十八年

二千五百三年

二千六百五年

三千二百年

三千六百三十八年

三千八百四十二年

三千九百九十三年

夏禹即位

商湯即位

周武即位

周民逐厲王

周避犬戎東遷

大哲學家孔子生

秦始皇即位

陳涉起革命軍

晉避五胡南遷

隋文帝一統南北

沙陀夷李克用主中國

金虜陷宋京師宋南遷

蒙古夷滅宋主中國

四千八十一年

明太祖排斥蒙古

四千三百五十九年

滿洲入關

四千五百六十年

洪秀全起兵金田村

四千六百十一年

聯軍入北京

此表最注意者凡三事。一民族。二政體。三文化。記周避犬戎者。記異族戰勝漢族之始也。記晉避五胡者。記異族入主中華之始也。記沙陀金元者。爲異族僭位記也。記隋文帝明太祖洪秀全者。爲漢族光復記也。記聯軍入北京者。爲漢族將受制於西人記也。是爲中國民族之變遷。夏禹卽位曷爲記。爲君主世襲記也。商湯卽位曷爲記。爲諸侯革命記也。周民逐厲王曷爲記。爲平民革命記也。秦始皇陳涉曷爲記。爲君權民權之消長記也。是爲中國政界之活動。黃帝時代。文化胚胎時代也。唐堯之時代。文明漸起時代也。周武之時代。文治極盛時代也。故於其卽位也。特記之。而孔子者。又集中國學術之大成者也。故於其降生也。亦記之。是爲中國文化之變遷。此三者外。他書自能詳之。茲弗記。

亡國二百四十二年紀念會叙

處今世而懼亡國。非狂則嚙。哉自永歷建元窮於辛丑。明祚既移而炎黃。姬漢之邦。族亦因以漸滅。迴望臯。瀆雲物如故。惟茲元首不知誰氏。中國之亡。既二百四十二年矣。民今方殆寐而占夢。非我族類而憂其不祀。覺寤思之。寧俟歐美分割始云。郊丘乏主也歟。自頃品庶彫瘵。邦人諸友。愍然自謀。作書告哀。持之有故。有言立憲。君主者矣。有言市府分治者矣。有言專制警保者矣。有言法治持護者矣。豈不以訐謔定命。國有與立。抑其秩序。無乃凌獵。衡陽王而農有言。民之初生。統建維君。義以自制。其倫仁以自愛。其類疆幹善輔。所以凝黃中之綱。繼也。今族類之不能自固。而何仁義之云云。悲夫。言固可以若是。故知一于化者。亦無往而不化也。貞夫。觀者非貞。則無以觀也。且滿洲八部不當數省之衆。雕弓。弧矢。未若鉛彈之烈。而薊丘大同。鞠爲茂草。江都番禺。屠割幾盡。端冕淪爲辮髮。坐論易以長。隄茸茲犬羊。安宅是處。哀我漢民。宜臺宜隸。鞭笞之不免。而欲參與政權。小醜之不制。而期扞禦哲族。不其忤乎。夫力不制。則役我者衆矣。莫之與。則傷之者至矣。豈無駿雄憤發其所。而視聽素

移民無何力。恬爲胡參相。隨倒戈。故會朝。清明者鮮。親而乘馬。班如者多有也。吾屬子遺。越在東海。念延平之所生。長瞻黎洲之所乞師。穎然不怡。永懷疇昔。蓋望神靈。喬木者則興懷土之情。觀狐裘臺笠者亦隆思古之痛。於是無所發舒。則春秋恩王父之義息矣。昔希臘隕宗。卒用光復。波蘭分裂。民會未弛。以吾中國方幅之廣。生齒之繁。文教之盛。曾不逮是。偏國寡民乎。乃召儔侶。集會紀念。以志亡國。凡百君子。蟬媯相屬。同茲恫鯨。願吾蜀人無忘李定國。願吾閩人無忘鄭成功。願吾越人無忘張煌言。願吾吳人無忘瞿式耜。願吾楚人無忘蒙正。發願吾燕人無忘李成。黎明天演。以箴大同。察種源以別蒙古。齊民德以哀同胤。鼓芳風以扇游塵。庶幾陸沈之禍不遠。而復王道。清夷威及無外。然則休戚之藪。悲欣之府。其在是矣。莊生云。舊國舊都。望之暢然。雖丘陵草木之緡入之者。十九猶之暢然。况見見聞聞者耶。嗟呼。我生以來。華鬢未艾。上念陽九之連去。茲已遠復逾數稔。逝者日往。焚巢餘痛。誰能撫摩。每念及此。彌以腐心流涕者也。君子。

禍君 (節仁學)